

總題：歷史講義

中壢，客話元年

僮所知個國
佬阿公無共樣
僮所講個話
阿婆聽無識
切毋斷個親情
chun 著比手畫腳

假使做得轉到頭擺
水尾老屋個
伯公下
僮想大聲講：
阿公教僮
阿公教僮

教僮認
tui 地泥生出來個字
度僮去看
先人行過個風雨
生命個味緒

無形
無體
但係有光
光照無知个偈
編寫自家

歷史講義

月桃，女人樹

毋想惦惦
看
平安戲

戲外
有樹个風景
月桃結子

用阿姆个話語
來寫
女人樹頂个詩
一蕊蕊
偈个Identity
偈自家定義

香花落土該時

有神看顧
偈想，這就係
生日

台灣連翹，無花果

麼人講偈係孤兒
無情个阿爸
做佢去

滿泥中个金鯉嫲
瞪大目珠
Pat 嘴
又 Pat 嘴
講毋 sot
一句句自由意志

義民爺留下
今偈來傳承
剪毋斷个樹樞
釘入地泥个根
咬牙
在暗處

代代結子

白薯，月光山

無分人應准
苦煎煎仔
偲兩儕个春天

tui 日頭辣辣个原庄
出走
該時偈淨想
有你个所在
就係家園

毋識見過北地个雪
毋識堵著人生个寒
手牽手
共下行
麼該都無
麼該都有
哀樂中年

歸來
耕山，耕園
月光下
做田
你拿筆

佢擎腳頭
白色个蕃薯
落地生根

最尾落雨該一日
佢講啊
心肝仔，你先行
佢ting ting仔掌等你个木瓜樹影
佬佢傳分子兒
這係毋識字个佢
年久月深寫分你个信
又笑又噉
這情話
你知佢知

楊梅，天弓

實在毋惹（ngia）眼
毋過
恁有味緒

漂洋過海个鄉愁
一寫
數十年

細阿妹个幼秀
字墨中，有英雄

天頂个雲啊
七彩天弓
搭妳帶轉
偓个心肝
毋會毋記得个
青春
毋識放忒个
台灣

玉蘭，鹿仔坑

硬硬分人摘忒
淡淡花香
強強會鼻毋著咧

山坑肚
救世个理想
幻作一團
令仔
等後人來解

失去舞台个歌聲
Di 過一山又一山
毋好毋記得
毋好毋記得

該年清秋有靈
今下，後生仔！
繼續打拚

南國，榕樹下

該年佢還毋識你
明明有恁靚个花園
樣般恁忍心
甘願放忒

放一把恁猛个火
燒自家个
肉身
做毋得妥協
獨立个
人

Vot 忒形影
成就最大个存在

佢漸漸知咧
哲學家个尊嚴
爭表達个自由
寫詩

這係最好个紀念
千千萬萬个榕籽
獻身時代
儕儕緬想：
佢就係你

鳳林，鳴蟬

莫噉，家娘講
毋管堵著麼該
定著愛
堅
強

溪水東流
悠悠似暗夜
忍毋歇个冤情
人講佢个命恁硬
阿爸阿哥阿叔

連續

六下銃聲

無

在

咧

沙埔底下

兩個小兒為伴侶

滿腔熱血洒郊原

斯人

斯文

為麼該犧牲？

土地還在

就有生路

家娘講，不係先生娘咧

咬牙做田事

日日低頭bang草

一回目

草又生出來咧

行過靚靚、淨麗个

河壩唇

大樹企挺挺

上主垂憐

祢敢有聽著
行過死亡暗坑个
祈禱
偃吟詩像樹頂个蟬

一聲又一聲
一聲又一聲

八張犁尾，人格者

三入三出
學毋會乖
且係反威權个事
算偃一份
毋使先通知

分人奪去
十七年、三隻月
又七日
拿毋走个係
主張
自救个權利

八月半个暗晡

花好月圓
為著理想
分人抓去坐籠仔
偈
有愛無恨

有人講
「悔過書」做得換來自由
還有人講
舞政治就係舞錢
偈恬恬
毋想應

交出一本厚厚個人權報告
偈一生人个註腳
係毋係有人讀得識？

泉水，台灣高山鱒

遠遠聽到
阿姆在喊偈
泅
繼續泅

春夏秋冬

喜樂哀愁

洄過

扳一下身

曬曬日頭

洄過

過一隻灣

噴兩口水

洄過

歇睏一下

過洄

歡喜甘願

在這人生个河壩

係係一股泉水

融會其間

汨汨出

映等一路來个青天白雲

帶頭洄去

看毋煞个風景

恁多个朋友

嘿！大家共下來

繼續洄